



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N

91/25058

< 29 > /11

2022թ.

**Սևակ Առլենի Դավուդյանին
Հասցե՝ ք.Երևան, Բաղրամյան 1, 12**

Ուղարկում եմ վարչական մարմնի նախաձեռնությամբ ՀՀ ոստիկանության պարեկային ծառայության վարչական բողոքների քննության բաժանմունքում իրականացված վարչական վարույթի արդյունքում թիվ **8200342911** որոշումն անվավեր ճանաչելու մասին որոշման օրինակը:

Առդիր՝ << 2 >> թերթ:

Պետ, ոստիկանության գնդապետ՝

Ա. Ումրշատյան

Կատ. Գ. Կիրակոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 02.11.2022 թ.-ին կայացված թիվ **8200342921** որոշումն անվավեր ճանաչելու մասին

29.11.2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 02.11.2022թ. կայացված թիվ **8200342911** որոշումը,

Պ Ա Ր Զ Ե Ց Ի

2022 թվականի նոյեմբերի 7-ին ՀՀ ոստիկանության պարեկային ծառայության վարչական բողոքների քննության բաժանմունք է ստացվել Երևան քաղաքի գնդի 1-ին գումարտակի հրամանատար, ոստիկանության փոխգնդապետ Արամ Դադոյանի զեկուցագիրն այն մասին, որ նույն գումարտակի 2-րդ վաշտի պարեկ Գրիգոր Աբգարյանի զեկուցագրի համաձայն 02.11.2022թ.-ին ժամը 09:50-ից 10:20-ն ընկած ժամանակահատվածում գտնվել է Վիլնյուսի փողոցում՝ իրեն ամրակցված վթարը ձևակերպելիս: Վթարը ձևակերպելիս հայտնաբերել է, որ իր դյուրակիր համակարգչի էջում առկա է Երևան քաղաքի Արտեմ Միկոյան փողոցում ժամը 10:20-ին քաղաքացի Սևակ Առլենի Դավուդյանի վերաբերյալ կազմված վարչական իրավախախտման վերաբերյալ արձանագրություն և կայացված թիվ **8200342911** որոշում, որը սակայն իր կողմից չի կազմվել: Հետագայում պարզել է, որ նույն օրը ժամը 10:20-ին նույն վաշտի ավագ պարեկ Գագիկ Ասլանյանը փորձել է կազմել է վարչական իրավախախտման վերաբերյալ արձանագրություն այն բանի համար, որ քաղաքացի Սևակ Առլենի Դավուդյանը Երևան քաղաքի Արտեմ Միկոյան փողոցում խախտել է ՀՀ կառավարության 2007 թվականի հունիսի 28-ի 955-Ն որոշման Հավելված 1-ի 2և 2-ի 1.3 գծանշման պահանջները, այն է՝ հատել է հանդիպակաց (հակադիր) հոսքերն իրարից բաժանող գծանշումը, սակայն որոշում կայացնելիս տեղի է ունեցել կապի խափանում և չի կարողացել կայացնել որոշում, ուստի կազմել է նոր արձանագրություն և կայացրել **8200342921** որոշումը՝ Սևակ Դավուդյանին տուգանելով 10.000 ՀՀ դրամ գումարի չափով և կիրառելով 1 տուգանային միավոր:

Զեկուցագրում նշված հանգամանքների վերաբերյալ 02.11.2022թ.-ի վարչական իրավախախտման վերաբերյալ արձանագրությունների և զուգակցված թիվ **8200342911** և **8200342921** որոշումների պատճենների, ինչպես նաև պարեկային ծառայողների Գագիկ Ասլանյանի և Գրիգոր Աբգարյանի բացատրությունների ուսումնասիրությամբ պարզ է դառնում, որ ծրագրային խնդրի պատճառով Սևակ Առլենի Դավուդյանի նկատմամբ նույն իրավախախտման համար կայացվել է երկու որոշում:

<<Վարչական իրավախախտումների վերաբերյալ>> ՀՀ օրենսգրքի 247-րդ հոդվածի 8-րդ մասի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե առկա է վարչական պատասխանատվության ենթարկվող անձի նկատմամբ վարչական տույժ նշանակելու մասին իրավասու մարմնի (պաշտոնատար անձի) որոշումը նույն փաստի վերաբերյալ:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 02.11.2022թ. կայացված թիվ **8200342911** որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Սևակ Աղվենի Դավուդյանին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ, ոստիկանության գնդապետ՝

Ա. ՈՒՄՐՇԱՏՅԱՆ